



Газет 2001-йисан  
ноябрдилай акъатзава

# Эренлардин СЕС

РД - дин Докъузпара райондин общественно-политический газет.  
Общественно-политическая газета Докузпаринского района РД.

№27 (853) 4-июль, арбе, 2018-йисе. Газетдин са экз. къимет киоскрай - 10 манат

## Ватанэгълидилай тахсиркарвилдин лишанар алудна




Франциядин дуъзвал ва закондин истемешунар хуъзвай органри, Россиядин Федерациядин Советдин член Сулейман Керимовалай налуcriкай кьил хкудзавай тахсиркарвилдин талукъ яз акъуднавай къарар алудна. Идакай «Интерфаксди» хабар гана. Гъа и йикъара адав паспорт ва гиравдин пул (залог) вахкана.

Малум тирвал, 2017-йисан ноябрдиз С. Керимов Франциядин Ниццы аэропортуна къунай. Адак Франциядин Кьиблепата къулайвилер авай аваданлухар къачунай ва налукар тагунай тахсир кутунвай. Франциядин къанунрин гьукум сенатордивай гирав яз, 5млн. евро къачуна, ам азаддай терефдал атана. Эхирни Экс-ан-Прованс шегъердин Апелляционный судди С. Керимов ацукъар тавун патал адавай 40 миллион евро истемешнавай.

## Дагъустандин Къиле акъвазунин рекъяй арза гана

Вахтуналди Дагъустан Республикадин Къилин везифаяр тамамарзавай Владимир Абдуалиевич Васильева 30-июндиз Махачкъалада кьиле фейи Стратегиядин сессиядал алай йисан сентябрдиз кьиле фидай, региондин регъбер хкъдай сечкийра, вичин кандидатура эцигайдакай малумат ганва. А р з а



гудайла, ада шаир Расул Гьамзатован гафар чешнедиз гъана: «Дагъустан гуйгъуьллувилелди Россиядин куьлгедик экечинач. Ам адавай анжах къуватдалди къакъудиз жеда», - хабар гана «Дагъустан» РИА-ди.


За икI лугъузва: гуйгъуьллуодаказ за Дагъустандиз атул тIалабнач. Зун инай ахкъудунин къуват анжах са халкъдин ихтибарсузвилехъ ава. Зун паталди дагъустанвийрин ва РФ-дин Президетдин ихтибар важиблу я. За Квевай тIалабзава гъавурда гъатун: «Региондин Къил хъун аз герек туш, ам чаз герек я. Чун яшайишдин са бязи терефрай цIуд йисарин гуйгъуьна амукънавай, гила чун фад виликди фидай вахт алукънава», - гафарин чешне гъизва Васильеван информгентстводи.

## Нубатдин совещание

Алай гъафтедин ислендин юкъуз Докъузпара райондин Къил Абдурогъим Алискерова райадминистрациядин къилин заместителрин, райондин тешкилатрин, идарайрин руководителрин ва хуьерин администрацийрин кьилерин иштираквал авай нубатдин совещание тухвана.

Иштиракчийр йикъан месэлайрихъ галаз танишарайдалай къулухъ, А. Алискерова сифте гаф райадминистрациядин экономикадин отделдин начальник Султанмурад →





Магьмудоваз гана. Ада 2018-йисан II-кварталдин налукар кIватIуникай, кIвалер ва чилер актуализация авуникай суьгьбетна.

Докъузпара райондин чилерин часпарар тайинарунин жигьетдай

А. ЭМИРСУЛТАНОВ

ШАРВИЛИ-2018

## Лезгийрин гурлу сувар

(Репортаж)

Гьар йисуз Ахцегьа кыле физвай лезги халкьдин кьагьриманвилин «Шарвили» эпосдин сувар Дагъустандин халкьарин сувариз элкьвенва. Ци 30-июндиз ам 19-сеферда яз кыле тухвана. Иллаки Кьиблепатан Дагъустандин районри гурлудаказ иштиракзава.

Адет тирвал, гьар са районди Ахцегьрин кылин куьчейра и юкьуз кылдин шад майданар тешкилзава, жуьреба-жуьре экспонатар кьалурзава, мили макьамарни манияр тамамарзава, суфраяр кьурмишзава... Кылди кьачуртIа, Ахцегь, Докъузпара, Сулейман-Стальский, Хив, Кьурагь, Агьул, Табасаран, Дахадаевский районри, Дербент шегьерди, Лезги театрдин коллективди кылдин майданар туькьурнавай.

Докъузпара райондин Кьил Абдурогьим Алискеров ва Керимхан Абасов кыле аваз чи райондин делегациядини и суварик иштиракна. Кылди кьачуртIа, райондин идарайринни тешкилатрин коллективри, хуьрерин администрациядин кылерини кьуллугьчийри ва хейлин маса агьалийри суварик иштиракна.

Чи райондин майдандал



иллаки гзаф ксар кIватI хьанвай. Медениятдин управленидин кьуллугьчийяр тир манидаррини музыкантри милли макьамарни манияр тамамарзавай.

Лап чими, зегьем югь тиртIани, иштиракзавай инсанрин кьадар гзаф тир.

Суварин сергьятра аваз спортдин са шумуд жуьредай акьажунарни кыле фена. Са гафуналди, «Шарвили» эпосдин сувар фикир желбдай жуьреба-жуьре вакьийрив ацланвай.

Майданрал концертар гайидалай кьулухь вири мугьманар

физвай кIвалахдикай малумарун патал, райондин Кьили Музамедин Межидоваз гаф гана. Ада кьейд авурвал, райондин вири хуьрера, анжах Авадан квачиз, и кIвалах акьалтIарнава ва гьа и гьафтеда тIвар кьур хуьрени и месэладив гатIунда.

Кьведай гьафтеда Кьуруш хуьре «Ярудагь-2018» спортдин экстремальный жуьрейрай кыле фидай ачух вирихалкьарин фестивалдиз аквазвай гьазур-вилерикай райадминистрациядин кылин заместитель Салигь Гьажимурадова суьгьбетна.

Валентин Эмирован тIварунихь галай паркуна кIватI хьана. Чехи концерт эгечIалди «Шарвили» суварин тешкилатчи Имам Яралиева вири мугьманриз сувар мубаракна, РД-дин Гьукуматдин Председателдин Сад лагьай заместитель Анатолий Кьарибова, Ахцегь райондин Кьил Осман Абдулкеримова ва масабур вири мугьманриз сувар мубаракна.

Суварин сергьятра аваз гьар йисуз Имам Яралиева «Шарвили»





премиар вахкузва. Цинин йисуз и премиардин сагъибар чпи милли медениятдик, журналистикадик, спортдик члехи пай кутур векилар тир шаир, гзаф йисара «Дагъустандин дишегъли» журналдин редактор хъйи Пакизат Фатуллаева, «Дагъустан» ГТРК-дин радионин лезги редакциядин кьилин редактор Наира Рамазанова, «Дагъустан» ГТРК-дин лезги редакциядин редактор Нарима Жамалова, Дагъустандин халкъдин писатель, «Самур» журналдин редактор Абдуселим Исмаилов, машгъур журналист Абдулафис Исмаилов, шаир Эйваз Гуьла-лиев, спортсмен Тельман Къурбанов хъана.



Куругъли ФЕРЗАЛИЕВ

## Эллер кватлававай сувар

Лезгийрин къагъриманвилдин эпос Шарвилдикай къисаяр, ихтилатар лап фадлай малум я. Адакай шиирар ва маса эсерар йисандавай гзаф жезва. Твар-ван авай бажарагълу шаир, алим Ф.Нагъиева къейдзавайвал, Шарвили эпосдин са шумуд вариант ава кватлавай. Абур Дагъустандин академиядин ДНЦ-дин архивда авалда. Чапдай акъатнавай Шарвили эпосдин виридалайни кесерлу ва машгъур ктаб, малум тирвал, Забит Ризвановани Байрам Салимова кватлавайди я. Ам яратмишна, гъазурна чапдиз акъудунин кьилин фикир члехи ватанперес шаир Забит Ризванованди хъана. Адахъ галаз шерик яз кваллах авур Байрам Салимовани Забитан хва Ризван Ризванова вири къайдаяр хвена, гзаф зегъмет члугуна, эпосдин вири текст урус члалаз таржума хъува, гъиле къур кваллах агалкъунралди акъалтларна. Ктаб вич лезгийрин машгъур писатель ва философ, рагъметлу Агъед Агъаеван редакциядик кваз акъудна.

2008-йисуз лезги эдебиятдин майданра Шарвилдикай мад са важиблу щийи ктаб пайда хъана. Ам лезгийрин машгъур журналист Дашдемир Шерифалиева кхъей «Шарвили эпос. Щийи риваятар ва делилар» твар алаз, Махачкъаллада



чапдай акъатай ктаб я. Келдайбур патал и ктабдани маракъ желбдай эсерар хейлин ава. Ина автор лезги халкъдин эпос арадал атунын чешмейрилай гатлунна риваятрилай хкечл хъувунва. Санлай къачурла, къегъал Шарвилдикай кхъенвай риваятар, манияр ва маса эсерар келзавайбуру руьгъдалди къабулзава. Гъавилай адакай тир эсерар элдин сиверани ава.

Шаксуз, дуньядин эпический эдебиятда «Шарвилиди» лайихлу ва къетлен чка къазва. Саки Индиядин къадим эпос Махабхаратадив гекъитиз жедай хътин эпос авай халкъ инсаниятдин тарихда зурбади я. Шарвилиди лезги халкъдин тарих, меденият вини дережадиз акъуднава, машгъурнава.

Милли члаларал акъатзавай вири газетрани адакай макъалаяр чапзава. Ада Къванцин Гададин

образдалди Дагъустандин дагълариз гъахъиз кланз тепилмиш хъйи Тамерланан ордадиз акси рум гана, абурун рехъ атлана. Надир-шагъан къушунризни ягъунар къаз гатлунна.

Ингъе чи йикъара Шарвилдин ватанда лезги халкъдин игитвилдин сувар кьиле тухун хъсан адетдиз элкъвенва. 2000-йисалай башламишна къейдзавай «Шарвили» эпосдин суварин иштиракчийрин къадар йисандавай артух жезва. Алай йисузни (30-июндиз) 19-сеферда яз Ахъегъа и сувар гурлудаказ, гегъеншдаказ кьиле фена.

Гъар йисуз агъзурралди мугъманар неинки са Дагъустандай, гъаклни Урусатдин маса республикайрай, мукъварив гвай къецепатан уьлквейрайни лезгийрин тарихдал, медениятдал рикл алайбур суварик хкъезва. Суварик хейлин СМИ-рин векилрини иштиракзава.

Лезги эпосдин къегъал Шарвили багъри халкъдин риклера несилрилай несилралди эбеди яз амукъда. Адан руьгъ, къамат, къегъалвал виридаз ватанпересвилдин чешне я.

Лезги ФЕТГЪУЪЛЛАГЪ



## Шейх Мугьаммад Ярагъвидин тІварцІихъ галай форум кьиле фена

30-июндиз Мегьарамдхуьре мусурманрин машгур алим ва руьгъдин устаз, шейх Мугьаммад аль-Ярагъидин тІварцІихъ галай республикадин дережада авай форум кьиле фена.

Мярекатда РД-дин Муфтий, шейх Агьмад-эфенди Абдулаева, РД-дин диндин идарайрихъ галаз алакьа авай Комитетдин председатель Мегьамед Абдурагьманова, Мегьарамдхуьруьн райондин кьил Фарид Агьмедова, Чечен республикадин Муфтийдин заместитель Ансар Хатиева, ДГУ-дин профессор Салигь Муслимова, М.Ярагъвидин тІварунихъ галай фондунин руководитель Гьажибуба Рустамова, Кеферпатан Кавказдин Исламдин ахтармишунрин Центрдин директор Руслан Гереева, Кьиблепатан, Гуниб ва Унцукуль районрай атанвай делегацийри, жемиятдин ва илимдин деятелри ишпиракна.

Сифте гаф рахуналди форум Фарид Агьмедова ачухна.



Мярекатдин кІалубда аваз Мугьаммад Ярагъвидин тарихдин ва руьгъдин ирс ва ада Дагъустандин халкьар вилик финин жигьетдай кьугъвай ролдикай веревирдер авуна. Генани руьгъдинни ахлакьдин ерийрикай, ватанпересвили тербиядикай, Дагъустандин жегьилрин марифат хкажуникай, жемиятда ислягъвал ва туьквейвал арадал гьуникай месэляяр

кьарагьарна.

Республикадин форум тешкилайбур: РД-дин Муфтият, РД-дин диндин идарайрихъ галаз алакьа авай Комитет, Мегьарамдхуьруьн райондин администрация ва Мугьаммад Ярагъвидин тІварунихъ галай фонд.


А. ЭМИРСУЛТАНОВ

### ЧИ УЪЛКВЕДИН КЪЕГЪЛАР

## Лезги чилин кьакьан гьетерикай сад

Социализмдин зегьметдин Игит Кьулиев Сейфедин Рамазанович 1908-йисан июлдин вацра Самур округдин (Докъузпара райондин) кьакьан хуьр Кьурушдал ирсдар малдардин хизанда дидедиз хьана. 1931-йисуз ам Кьурушрин хуьруьн колхоздин седривиле хкяна. Буйнакск шегьерда малдарвилин хилай са йисан курсара хьайи Сейфедин Докъузпара райондин чилерин отделдин ва гуьгьуьнилай ДАССР-дин СНК-дин кар идара ийидай кьуллугъдал тайинарзава.

Сейфедин Рамазановича куьчдар малдаррин месэляяр, кьилди кьачуртІа, абур Азербайжандин ва Гуржистандин кьишлахрал куьчарунин кІвалах



гьукуматдин дережада аваз гьязва. Ватандин Чехи дяведин йисара С. Р. Кьулиев миллиондилай кьилихъ

лапагар саламатдиз хуьнин ва абуруз хуьтІуьн кьулайвилер тешкилуьн рекьай лайихлу куьмекчи хьана. Лапагар Дагъустандай ва Ставрополдин крайдай Азербайжандин куьчарнавайбур тир. (кьейд: Ш. Ш.) 1952-йисуз С.Р. Кьулиев цІийиз тешкилнавай, вичин кІватІалдик пуд колхоз акатзавай Карл Марксан тІварунихъ галай чІехи майишатдин кьиле акьвазва. 1952-йисуз и тІвар кьунвай майишат Хасавюрт райондин сергьятриз куьчарна. Сейфедин Рамазановичан алахуьнар галаз 500 колхоздин





хизанриз квал-югъ тешкилна. Абуру чилер гялуни, ципицар кутунин, багманчивилел машгул хьунин кваллахрал желбна. Ахпа кьурушвиар арандиз куьч жез эгечина. Халкъдин экономикадин ва агвалдин дережа хкаж жезвай. Винидихъ твар кьунвай колхоздин къазанжийрин куьмекдалди Цийи Кьурушрин хуьре медениятдин Дворец, мектеб, больница ва маса кьуллугъдин идараяр эцигна. Жегьил колхозникар пешейрин рекъай тежриба ва чирвилер къачудай заведенийри рекъе туна.

С. Кьулиев «Дагъустан - Москва» твар алай форумра регьбервал гунин кьиле акъвазна. Абурук «Вирисоюздин малдаррин съезд», «Вирисоюздин ва Россиядин муьштерийрин союзар» акатзава.

1971-йисан 8-апрелдин СССРдин Верховный Советдин Президиумдин къарардалди хуьруьн майишатдин вад йисан планар ацлурунин, чилер гялуни ва малдарвал вилик тухунин рекъай хьанвай агалкъунриз килигна Кьулиев Сейфедин Рамазановичан агалкъунар чи гьукуматди

Социализмдин зегьметдин Игит - кьизилдин медалдалди ва Ленинан орден гуналди кьейдна. Гуьгьунин йисара С.Кьулиев Дагъустан АССРдин Верховный Советдин депутатвиле, КПСС-дин XXII лагъай съезддин делегатвиле, Дагъустандин партиядин обкомдин членвиле хяна. Ам «Дагъустандин лайихлу уьзюмчи», «Жегьилрин лайихлу тербиячи» гьуьрметдин тварариз лайихлу хяна. 2001-йисуз Махачкала шегьердин куьчейрикай садаз адан тварни гана.

## Сейфединан суйдин синер

Вичикай ихтилат кьиле физвай Сейфедин Кьулиеваз талукъ тушир кар хуьре авачир. Етим-есирдиз, ялгъузриз куьмекар гун, алакъ тийизвайдаз квалер эцигдай материалар чара авун, колхоздин патай пул гана, пешекарар гьазурун, машинринни механизмайрин парк ацлурун, хуьр аваданламишун, эквер тун - ибур вири адан къайгъуяр тир. Сифтегъан гектарникар арадал

атунни адан тварцихъ галаз алакьалу я. Ам вични гектарник тир. Сейфедин Рамазановича ветераникай ибарат тир бригадани тешкилна. Гьар са гектарлай абуру 208 центнердив агакьна ципицар вахчузвай. Социализмдин зегьметдин гьерекат гегьенш жезвай... Цийи Кьурушдал 2008-йисан 15-июндиз Социализмдин зегьметдин Игит Сейфедин

Рамазанович Кьулиеваз 100 йис тамам хьунин къаршида кьурушвийри мрамардикай атанвай зурба памятник ачухна. Цинин йисузни Игитдин 110 йисан ибилей кьурушвийри чеб яшамш жезвай виринра кьейдла. Сейфединан твар гзаф несилрин невейрал къведа!..

Шагьбала ШАГЬБАЛАЕВ

30-ИЮНЬ - ЭКОНОМИКАДИН ЮГЪ

## Райондин экономикадин управленидин кваллахдикай

(Иртервью)

И мукьвара зун экономикадин управленидин начальник Магьмудов Султанмурад Алиэфендиевичахъ галаз гуьруьшмиш хяна. Чи арада агъадихъ галай суьгьбет кьиле фена.

**- Султанмурад Алиэфендиевич, куь управленидин кьилин везифайрик вуч акатзава?**

- Районда яшайишдин ва экономикадин гьал ва экономикадин динамика вилик фена, ам хкаж хьун патал гьаниз фикир гун; экономикадин гьалдиз кьимет гун, районда экономикадин гьал виликамаз тестикъарна, гьи патлахъ физватга килигна, планда виликамаз лазим шартлар яратмишна, хьсан патлахъ вилик финихъ элкьуьрун я.

Чи экономикадин управлениди 2016-2018-йисара халкъдин яшайишдин дуланажагъ вилик фена, райондин гьал хьсан хьун патал, планни туькьуьрнава, адахъ галаз рейсад яз чна кваллахзава.

**- Исятда, алай вахтунда района экономикадин гьалар гьихьтинбур я?**





Санлай кьуртIа, пис гьалда авач. Гьар йисуз районда экономикадин жигьетдай тухузвай кIвалахдин (районавай гьалдин гьахь-гьисаб) чна республикадин министерствойриз гузва. Райондин вири идарайрин къене авай лишанар, гьалар гьихьтинбур ятIа чирна, гекъигна, ахпа министерстводи кьимет гузва.

Райондин къенепатан мумкинвилериз килигна, налукар кIватIун патал буйругь гузва. Налукар чи райондин къене НДСЛ, ЕНВД, мал-девлетдал, акцизрал, чилерал, УСН, ЕСНХ, госпошлинадал кьвезва. Агьалийрилай и жуьредин налукар чна кIватзава.

**- Налукар кIватI ийидайла куьн гьихьтин четинвилерал расалмиш жезва?**

- Райондин жемиятдал,

чилерал, кIвалерал, яшайишдал гьалтзавай налукар кьилдин хуьрерин агьалийри вахт-вахтунда гузвач, я тахьайтIа чил ишлемишиз, налукар тагузвайбурни кими туш. Ихьтин месэлайрал расалмиш хьайила, министерстводиз гьахь-гьисаб гун патал дуьзарнавай планар ахцIур хьийидайлани чун четинвилера гьатзава.

**- Райондин къене кьиле физвай инвентаризация вуч патал тухузва?**

- Ам тухунин метлеб ам я хьи, кIватIзавай налукрин кьадар артух авун, гьарда вичел кьвезвай налукар чпихь авай чилерин кьадардиз килигна гун ва гьакIни хьуси майишатдин чилин кьадар цIийи кьилелай алпум хьувун я.

**- Чкадин налукар райондин хуьрера гьи жуьреда кIватIзава?**

- Чилерин налук лагьайтIа, чи

райондин гьар са хуьруьз Дагъустан Республикадин Правительстводи кьабулнавай кьиметдин кьадарар ава. Гьар са хуьре гьар Iсоток чилиз вичин кьимет эцигнава.

ОКС-дин (кIвалер, складар, туьквенар ва маса дараматар) лагьайтIа дарамат эцигнавай кьиметдин кьадардиз килигна, налукар кIватIзава.

**- Квез райондин жемиятдихь элкьвена ийидай гьихьтин тIалабунарава?**

- Заз чи райондин жемиятдин дуланажагь, яшайишдин шартIар хкаж хьана кIанзава. Абур хьсан хьайила, райондин экономикадин гьални хьсан жеда. Кьуй гьар са кIвале гьуьрмет, берекат хьуй! Чна чи кьуллугьни алахьна, хийирлувилихьди кьиле тухуда.

**Вадим АГЪАМУРАДОВ**



## РЕСПУБЛИКА ДАГЕСТАН СОБРАНИЕ ДЕПУТАТОВ СЕЛЬСКОГО ПОСЕЛЕНИЯ «СЕЛО АВАДАН» ДОКУЗПАРИНСКОГО РАЙОНА

Индекс 368759, Республика Дагестан, Докузпаринский район, с. Авадан, тел. 8 963-418-89-16

№ 3

от «10» января 2018 г

### РЕШЕНИЕ

«Об утверждении бюджета сельского поселения на 2018 год и плановый период 2019-2020 г.г.»

Заслушав и обсудив информацию Главы администрации сельского поселения Магамедрагимов Б.М. об утверждении бюджета сельского поселения «село Авадан» на 2018 год и плановый период 2019-2020 г.г., Собрание депутатов

### ПОСТАНОВЛЯЕТ:

1. Утвердить бюджет сельского поселения «село Авадан» Докузпаринского района на 2018 год по доходам в сумме 4967 тыс. руб и расходам 4967 тыс. руб. (таблицы расшифровки бюджета прилагаются).

**Б. М. МАГАМЕДРАГИМОВ, Председатель собрания депутатов, Глава администрации СП «село Авадан»**

### СМЕТА РАСХОДОВ

Администрация сельского поселения «село Авадан»  
Докузпаринского района на 2018 год





Наименование статей	Код по БК					тыс. руб				
						1 кв	2 кв	3 кв	4 кв	Итого
<b>Доходы:</b>										
Земельный налог	1821066043101000110					151	151	200	202	704
Налог на имущество	1821060103010000110					5	5	22	62	94
НДФЛ	1821010201001000110					16	16	16	16	64
Объем дотаций поселению	0012020100110000151					895	897	1141	1111	4044
ВУС	0012020301510000151					14	15	16	16	61
<b>Всего доходов</b>						<b>1081</b>	<b>1084</b>	<b>1395</b>	<b>1407</b>	<b>4967</b>
	Глава	Раздел	Подраз	Целев.статья	Вид расх					
<b>Расходы:</b>										
<b>Орган местного управления</b>	001	01	04	8830020000						
1. Фонд оплаты труда МО					121	195	195	195	195	780
2. Иные выплаты					122					
3. Взносы на об. соц. стр.					129	59	59	59	59	236
4. Прочая закуп. для мун. нужд					244	120	120	380	380	1000
5. Уплата налогов					851	2	2	2	4	10
<b>Итого</b>						<b>376</b>	<b>376</b>	<b>636</b>	<b>638</b>	<b>2026</b>
<b>СДК</b>	001	08	01	2020100590						
1. Фонд оплаты труда					111	51	52	52	52	207
2. Иные выплаты					112					
3. Взносы на об. соц. стр.					119	15	16	16	16	63
<b>Итого</b>						<b>66</b>	<b>68</b>	<b>68</b>	<b>68</b>	<b>270</b>
<b>ЖКХ(Благоустройство)</b>	001	05	05	9990003000						
1. Фонд оплаты труда					111	403	403	403	403	1612
2. Иные выплаты					112					
3. Взносы на об. соц. стр.					119	122	122	122	122	488
4. Прочая закуп. для мун. нужд					244	100	100	150	160	510
5. Уплата налогов					851					
<b>Итого</b>						<b>625</b>	<b>625</b>	<b>675</b>	<b>685</b>	<b>2610</b>
<b>ВУС</b>	001	02	03	9980051180						
1. Фонд оплаты труда					121	11	12	12	12	47
2. Иные выплаты					122					
3. Взносы на об. соц. стр.					129	3	3	4	4	14
<b>Итого</b>						<b>14</b>	<b>15</b>	<b>16</b>	<b>16</b>	<b>61</b>
<b>Всего расходов</b>						<b>1081</b>	<b>1084</b>	<b>1395</b>	<b>1407</b>	<b>4967</b>

Б. М. МАГАМЕДРАГИМОВ, Глава администрации СП «село Авадан»,  
И.Э.ИБРАМХАЛИЛОВ, гл.бухгалтер

**Сведения о численности муниципальных служащих  
органов местного самоуправления с указанием фактических  
затрат на их денежное содержание  
За 1 квартал 2018 года**

<b>Сведения о численности муниципальных служащих и фактических затратах на их денежное содержание</b>		
Наименование органа местного самоуправления	Фактическая численность муниципальных служащих, чел	Фактические затраты на денежное содержание муниципальных служащих, тыс. руб.
<i>Администрация Сельского Поселения «село Авадан»</i>	<b>2</b>	<b>171,6</b>
<b>Итого по органам МСУ</b>	<b>x</b>	<b>171,6</b>

Б.М. МАГАМЕДРАГИМОВ, Глава администрации СП «село Авадан»,  
И.Э. ИБРАМХАЛИЛОВ, гл. бухгалтер



## МЕКТЕБРИН УЪМУЪРДАЙ

## Разивилин чар

И йикъара Каракуьредин СОШ-дин муаллимрин коллективдиз ДГПУ-дин математикадинни физикадин ва информатикадин факультетдин деканатдин ва профсоюздин патай, ана Келзавай ва чирвилер къачузвай Митеев Айваран адресдиз хуш келимаяр ва алхишар лагъанвай разивилин чар хтана.

А чарче Айвар гъам Келунра, гъам факультетдин общественный уьмуьрда активный ва чешнелу студент тирвилдин гъакъиндай хабар ганва. Ихътин студент хъунин сифте майлар арадал гъайи Каракуьредин СОШ-дин муаллимрин адресдизни хуш келимаяр лагъанва. Гьелбетда, чна чи виликан ученикдин агалкъунрал ва лайихлу ерийрал дамахзава. Агалкъунар, вахъ мадни къакъан дережаяр хъурай, Айвар!




**Хелибег ЭМИРЧУБАНОВ,**  
Каракуьредин умуми юкъван мектебдин ИКТ-дин пешекар

## Мукъвара «Ярудагъ-2018» фестиваль къиле фида

Чи райондин Къурушрин хуьруьн мулкара алай йисан 10-июлдиз туризмдин экстремальный жуьрейрай Вирихалкъарин «Ярудагъ-2018» фестиваль ачухунин мярекат къиле фида.

«Ярудагъ» альпинизмдин фестиваль и мулкара гъар йисан гагуз къиле физва. Жуьреба-жуьре гьукуматрин альпинистри чи дагълар муьтлуьгъарзава.

Къейд ийин, Ярудагъда виликдай СССР-дин, Россиядин альпинизмдай пуд чемпионат хъанай. Къурушрин хуьруьн мулкар гъейран жадай, твар-ван чкайралди липанлу тирди неинки са Россиядиз, гъакл Европадизни ашкара я. Къурушрин хуьр Россиядин къиблепатан къетлен, надир чка я. Альпинистри муьтлуьгъардай Ярудагъдин



куклушни Къурушрин хуьруьн мулкара ава.

Тешкилатчийри ашкъи авай вирубуруз теклифзава.

### Гъуьрметлу газет Келзавайбур!

«ЭС» газетдин редакцияди квевай Талабзава, райондин идарайриз ва тешкилатриз авай суалрин патахъай редакциядиз чарар кхьин. Чи редакцияди куь суалриз жавабар гуда.

## «ГОЛОС ЭРЕНЛАРА»

2001-йисан  
ноябрдилай акъатзава

**Тешкилайди:**  
Докъузпара райондин  
администрация,  
Дагъустан Республика

**Учредитель:**  
Администрация Докъузпаринского  
района, Республика Дагестан

**Къилин редактор:**  
А. Э. ЭМИРСУЛТАНОВ

**Жавабдар секретарь:**  
К. Н. ФЕРЗАЛИЕВ

**Хеуси корреспондентар:**  
Ш. О. ШАГЪБАЛАЕВ  
В. С. АГЪАМУРАДОВ

**Корректор:**  
Ш. О. ШАГЪБАЛАЕВ

**Верстка авурди:**  
К. Н. ФЕРЗАЛИЕВ

**Газетдин индексар:**  
Зур йисан къимет - 241,86 м.  
Йисан къимет - 483,72 м.

**Чандиз вахкай вахт:** 14:00  
**Чапзавай вахт** - 17:00

**Тираж 544**

Редакциядинни макъалайрин авторрин фикирар сад тахъун мумкин я. Макъалайрин делилрин дуьзвилини патахъай жаваб авторри чпи гуда. Макъалайриз рецензия гузвач ва абур элкъвена вахъузвач. Мадни, чпин макъалайра дегшивилер тунал, къилер дегшиарунал рази тушир мухбиривай чна абур редакциядиз ракъур тавун тIалабзава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный номер ПИ №ТУ5 - 00256 от 14 июня 2013 г.

Редакциядин, издательстводин ва типографиядин адрес:

368750, Докъузпара район,  
Усугъчай хуьр,  
тел.+7 (8722) 55-14-61  
e-mail:  
golos-erenlara@mail.ru  
Чи сайт: www.erenlar.ru